

LIST OF MEMBERS OF FOURTH MIZORAM LEGISLATIVE ASSEMBLY, 1999.

Sl. No.	Name of the Constituency	Name of Members	Address
1.	Tuipang	K.Rckhaw	Hunthar Veng, Aizawl
2.	Saiha	Zakhu Hlychhc	Chaltlang, Aizawl
3.	Sangau	H.Rammawi	Tuikual 'A', Aizawl
4.	Lawngtlai	C.Thanghluna	Assembly Hostel
5.	Chawngte	Nirupam Chakma	Assembly Hostel
6.	Tlabung	N.KC Chakma	Assembly Hostel
7.	Buarpui	Lalrinzuala	Zohnuai, Lunglei
8.	Lunglei 'S'	J.Lawmzuala	Assembly Hostel
9.	Lunglei 'N'	Dr R.Lalthangliana	Kanan Veng, Aizawl
10.	Tawipui	Z.H.Ropuia	Salem Veng, Lunglei
11.	Vanva	C.Lalrinsanga	Bazar Veng, Lunglei
12.	Hnahthial	F.Lal Thanzuala	Zohnuai, Lunglei
13.	N.Vanlaiphai	R.Lalawia	Tuikhuhtlang, Aizawl
14.	Khawbung	Zoramthanga	Chaltlang, Aizawl
15.	Champhai	K.Venlalauba	Venghlui, Aizawl
16.	Khawhai	K.L.Lianchia	Electric Veng, Aizawl
17.	Saitual	R.Lalzirliana	Armed Veng North, Aizawl
18.	Khawzawl	Aichhinga	Babutlang, Aizawl
19.	Ngopa	F.B.Rosanga	Kanan Veng, Aizawl
20.	Suangpuilawn	H.Laltanpuia	Venghlui, Aizawl
21.	Ratu	Lalthan Kunga	Chhinga Veng, Aizawl
22.	Kawnpui	Senghmingthanga H.Fautu	Chhinga Veng, Aizawl
23.	Kolasib	Rualchhina	Luangmual, Aizawl
24.	Bilkhawthlir	Lalchamliana	Electric Veng, Aizawl
25.	Lokicherra	Tawnluia	Kanan Veng, Aizawl
26.	Kawrthah	K.Sangthuame	Electric Veng, Aizawl
27.	Mamit	Brig. T.Sailo	Kanan Veng, Aizawl
28.	Phuldungsei	J.Lalthangliana	Republic Veng, Aizawl
29.	Sateek	B.Lalthlengliana	Bethlehem Veng, Aizawl
30.	Serchhip	Er K.Thangzuella	Chanmari Veng, Aizawl
31.	Lungphc	Vanlehlana	Venghlui, Aizawl
32.	Tlungvel	L.N.Tluanga	Electric Veng, Aizawl
33.	Aizawl 'N' I	Dr. Lalzama	Chaltlang Lily Veng
34.	Aizawl 'N' II	F.Malsawma	Chaltlang, Aizawl
35.	Aizawl 'E' I	Lalhmingthanga	Khatla, Aizawl
36.	Aizawl 'E' II	H.Vanlalauba	Chhinga Veng, Aizawl
37.	Aizawl 'W' I	Col.Lalchungnunga	Bungkawn Vengthar, Aizawl
38.	Aizawl 'W' II	Lalrinchhana	Tuikual 'A', Aizawl
39.	Aizawl 'S' I	R.Tlanghmingthanga	Venghlui, Aizawl
40.	Aizawl 'S' II	C.Sangzuala	Chaltlang, Aizawl

MIZORAM STATE
FOURTH LEGISLATIVE ASSEMBLY

GOVERNOR
Pu A Padmanaban

SPEAKER
Pu R. Lalawia

DEPUTY SPEAKER
Pu Vanlalhlana

SECRETARY
Pu H.L.Chunga

CABINET MINISTER

- | | |
|---------------------------------------|---|
| 1. Pu ZORAMYHANGA
CHIEF MINISTER | 1. Finance Department
2. Agriculture Department
3. Horticulture Department
4. Political & Cabinet Department
5. Department of Personhel &
Administrative Reforms,
6. General Administration Deptt.
7. Secretariat Administration Deptt.
8. Vigilance Department
9. Economics & Statistics Deptt.
10. Planning & Programme Implemen-
tation.
11. Power & Electricity Department.
12. Industry Department.
13. Soil & Water Conservation Deptt.
14. Art & Culture Department.
15. Tourism Department. |
| 2. PU TAWNLUIA
MINISTER | 1. Home Department.
2. Public Health Engineering.
3. Taxation & Excise Department.
4. Health & Family Welfare Deptt.
5. Sericulture Department. |
| 3. PU R. TLANGHMINGTHANGA
MINISTER | 1. Public Works Department.
2. Co-operation Department.
3. Social Welfare Department.
4. Labour & Employment Deptt. |
| 4. PU LALRINCHHANA
MINISTER | 1. Land Revenue & Settlement Deptt.
2. Animal Husbandry & Veterinary
Department. |
| 5. PU RUALCHHINA
MINISTER | 1. Forest & Environment Department.
2. Printing & Stationery Deptt. |
| 6. | |

...Contd.../-

- | | |
|-----------------------------------|---|
| 6. PU AICHHINGA
MINISTER | 1. Food & Civil Supplies Deptt.
2. Trade & Commerce Department.
3. Relief & Rehabilitation Deptt. |
| 7. Dr.R:LALTHANGLIANA
MINISTER | 1. Rural Development Department.
2. District Council Affairs Deptt. |
| 8. PU F.MALSAWMA
MINISTER | 1. School Education .
2. Information & Public Relations.
3. Law & Parliamentary Affairs. |

MINISTERS OF STATE (Independent charge)

- | | |
|----------------------------------|---|
| 9. PU B.LALTHLENGLIANA
M.O.S. | 1. Higher & Technical Education.
2. Sports & Youth Services Deptt. |
| 10. PU H.VANLALAUVA
M.O.S. | 1. Local Administration Department.
2. Fisheries Department. |

PROCEEDINGS OF THE FIFTH SESSION OF THE FOURTH MIZORAM STATE
LEGISLATIVE ASSEMBLY ON WEDNESDAY, THE 29th DEC. '99

PRESENT

PU R. LALAWIA, Speaker at the Chair, Fifteen Ministers and 24 Members were present.

AN OFFICIAL RESOLUTION

PU F. MALSAWMA to move an official resolution in the following form -

"That this House ratifies the amendment to the Constitution of India falling within the purview of clause (d) of the proviso to clause (2) of Article 368, proposed to be made by the Constitution (Eighty-Fourth Amendment) Bill, 1999 as passed by the two Houses of the Parliament".

S P E A K E R

: Vawiin Member absent te -
Brig T. Sailo, Pu Zakhu Hlychho.
Hei, vawiin ni hi nidanglam
tak ani kan ti lo theilo anga.

Opposition Group Leader mai ni lo, Leader puitling (recognised) Democracy anih angin ti danglamin tihfel ani a. Tin, chu bak-ah vanduaithlak tekin Dr. Sankar Dayal Sharma, President thin in min boral san a, ani hi India ram tan mi uihawm tak a ni a, a sunna te pawh kimchang zawk leh uluk zawk a in buatsaih a neih kan duh a. Tin, tun hunah hian Opposition Party lam, a Party lian ber President Brig. T. Sailo pawh thildang avangin hmanni khan House-ah a awm theih loh tur thu min hrilh a. Tin, chutiang bawkin Congress lam a Parliamentary Leader pu Zakhu Hlychho a awmlo bawka, chu bakah Sorkar lam pawhin duh ang tak a chanchin kimchang, felfai tak a zirchianna hun a tlem deuh bawka bakah Member-te pawhin sawi kan duh theuh dawn avangin Cbituary chu vawiin hian kan ti rih lo mai ang a. Amah kan sun em em a, India ram pumin a sun em em ani tih erawh chu kan hriat theuh ani a. Chuti kawngah chuan Member-te pawhin vawiinah hian engatinge kan tih nghal loh in ti maithei a, mahse ko kim zawk leh famkim zawk a he House-ah ngei hian tih kan tum avang a vawiin hian ti lo kan ni.

Hei, vawiin hi kan Business tur chu Official Resolution kan nei a, chu chu a bik tak a Scheduled Caste leh Scheduled Tribe tan leh Anglo Indian ten India Constitution-ah duhsak bikna kan nei hun te January 24, khian alo tawp dawn a. Heng scheduled caste leh scheduled tribe ho reservation te lo tawp tur chu Parliament-in a passed tawh angin pawhsei leh tur a ni a. Rajya Sabha pawhin a passed tawh a. State Assembly a pass ve leh angai a. India ram pumpui a state zahve talin a pass ve leh angai a, chu duhsakna lawmawm tak a chu keini House pawh hian kan pass ve

turah ngai ila. Chu Official Resolution chu Pu F.Malsawma,
Parliamentary Affairs Minister move turin ilo sawm ang u.

PU F.MALSAWMA
MINISTER

: Pu Speaker, ka lawm e. Tuna
kan ngaihthlak ang khan hei
kan official resolution,
Speaker zahawm takin a mi a

pawmsak tawh chu India denpui a Article 368 in-a a phal angin
hemi Constitution siamthatna-ah hian state in a parliament
thurel tawh kan pawmpui ngai chu a awm a. Hemi reservation
section India constitution pui a part 16-na chhunga Article
330 atanga 335 inkar zing ami 334-na hi kum 10 zel atan a
scheduled caste te leh scheduled tribe te Anglo Indian
Community ten Lok Sabha ah State Assembly-a aiawh an neih
ve theihna tur reservation siamsak kha pawhsei thin ani a,
kum 10 zel atan. Chu chu tunah hian Parliament, Lok Sabha
ah leh Rajya Sabha ah October, 27 leh 28 kumin khan passed
ve ve tawh a ni a. Chu chu State ten a danin a phut ang a kan
pass ve angai a, chumi kan pass chuan danpuiah tuna kum 50
tih a kha kum 60 tiin alo in ziaklut tawh ang e. Tichuan,
kum 10 dang hemi Reservation hi a nung leh dawn tihna ani.

Tichuan, tunah hian hemi hi
pass turin January ni 24 hma in engkim tihfel angai a.
He kan resolution hi passed hnu a thawnthlak vat ngai anih
avengin House-in a a pass ka rawn dil a. Tin, hei hi Pu Speaker,
i sawi tawh ang khan hnam tlem zawk te, hnam hnufual te tana
a malsawma India ram Sorkar a roreltu ten an pek thin ani a,
kan tan phei hi chuan a phurawm hle in ka hria a. Professor
pakhat VSA a kal phei chuan hetiang ang constitution hi khaw-
velah hian avang khawp ani, in vannei hle mai an ti nghe nghe
a. Tuna kan sorkar ngei pawh hetiang ngai pawimawh a, pawh-
seina dan an rawn passed nghal hi a lawmawm takmeuh in ka
hria a. Sawisei tur awmin ka hre love, Pu Speaker, House-in a
lawm tak a kan pass a, parliament-in a lo passed tawh a hi
pawmpui tur ani in ka hria a, kan Resolution chu hetiang
hi ani - "That this House ratifies the amendment to the
Constitution of India falling within the purview of clause(d)
of the proviso to clause(2) of Article 368, proposed to be made
by the Constitution (Eighty-Fourth Amendment) Bill, 1999 as
passed by the two Houses of the Parliament" tih a ni e.
House-in a mi a pawmpui ka rawn dil e.

S P E A K E R

: Sawi duh nei apiang Member-te
zingah ka rawn sawm teh ang.
Pu Lalhmingthanga, Opposition
Leader

PU LALHMINGTHANGA

: Pu Speaker, ka lawm e. A hmasa berah chuan vawiin kan Session hi a pawimawh em em a, kan Parliamentary Affairs Minister in a hemi resolution a rawn putluh a hi kan ram tan thil tangkai em em leh kan mamawh ngawih ngawih ani a. Chubakah hei kum sangbi inher tawngtu mihring han nih hi vanneih thlak ani a. Kum 10 bi a inher a, khalai hun inthen tawngtu pawh kha mi vannei an ti a, kum zabi tawngtu pawh mi vannei an ti a, tunah hian khawvel hian kum sangki hnihna han in herchho tur a tawng mek a, chumi han insiamfel turah helai rorelna pawimawh tak mai Mizoram rorelna Session kan han nei tlat te pawh hi Member-te tan hian a vanneih thlak in a ropui ka ti a.

Tin, nichina Introduction a sawizawk ang khan hei i mi uapna leh rorelna hnuaiah Opposition Leader nihna dinmun te vawiinah hian duang a, rawn siamchhuakin kei mi tlinglo tak hneneh mi rawn pe a, helai a recognised opposition party atanga ken inthlan chhohna te nangin min lo pawmpui a. Tichuan, vawiin kan Session hi kan ram tan pawh a pawimawh in kan House tan pawh a pawimawh a. Tin, a historical in ka hria, kan state assembly history-ah pawh landmark a tling ve pakhatin kan ngai a, thuhmahruai ang deuhin kha kha ka han sawi duh phawt ani.

Vawiina kan ngaihtuah tur a hi India Constitution-ah Hnam tenaute tan a himna bulpui, a lungphum tihnun zel chungchang thu ani a. Tin, kan hretlang theuhvin ka ring a, member tin hian kan han hriatchhuah leh loh theih loh thil pakhat awmin ka hria a. 1947, 1948 chho-ah India ram chu khawvel Democracy ram a lian ber ni turin British Sorkar-na hnuaia atangin Independence kan hmu a. Tichuan, Indian Constitution siamfel anih hma khan Constituent Assembly in kum thum chung vel mipui aiawh in ro an rel a, chuti chung chuan he India Constitution kan hmanlai mek a hi duan chhoh ani ta a. Khatah khan Dr. Ambedkar, hnam hnufualte zing ami, India ramtan chuan kan constitution in a Pa ber a angaih leh a rawn chherchhuaktu khan uluk taka ngaihtuehin India ram mipui maktaduai tam tak awm zingah hian India hmun hrang hrang hian hnam tenau leh hnufual bik hnam liante nen a angkhat a enkawl mai chuan borolna tuipui a pil thei mai tur an awm tam ani tih a hria a. Chungcho chu entirnan hei India hmarchhak a tlangmi hnam hrang hrang Khasi, Naga, Mizo, Garo, Mikir, Jaintia, Cachari tih ang te. Tin, India hmun dangah pawh **Adivasis** kan han tih ho te ang te, kha kha constitutional terms in scheduled caste ti a kohte scheduled tribe tih a koh te kan lo ni ta a.

Tichuan, chungcho zingah chuan Sapho in kum 200 chhung min awp lai a mi thenkhat a laklawh deuh hlek a pian leh murna nei Anglo Indian kan tih ang te Community hran angin an lo awm a. Chung Hnam tenau ho te tan chuan Member ngawt ngawt a kan kal a, hnam lian te nen a ang khat a kan chungah hian rorel anih chuan chimralna tuipui-ah kan tlalut in kan aw te chuan pawimawhna nei pha lovin India rorelna a awmang tih an hlau va. A dik takin Dr Ambedkar khan chu chu angai pawimawh em em a. Chumi ngaihtuahna dungzui

dhuan tun a kan ngaihtuah tak hemi India Constitution a Article 334 na hian Lok Sabha leh Rajya Sabha ah te leh State Assembly ah te leh Union Territory Legislative Assembly ah te pawh seat reservation hi minrawn siam chhuah sak ta a.

Kan hrist theuh angin kum 50 chung atana kha kha buetsaih a ni a. Tichuan, chumi kum du alo kal chho zel a, AD 2000 January ni 25 ah hian kum 50 chu alo ral dawn ta a. Amaherawhchu, kang scheduled tribe leh phai tribal vai hnam hnufual kan timai ang a, scheduled caste leh anglo indian te dinhmun hi Parliament House pahnih Rajya Sabha leh Lok Sabha ten uluk taka an han thlirin hemi duhsak bikna hi tih tawp mai chi la ni in an hre te lova, tichuan uluk tak a ngaihtuahin tun October ni 27 ah khan Lok Sabha-ah kum 10 dang atan a pawhsei na tur an passed. Rajya Sabha-ah ni 28 October khan an passed ta bawk a.

Amaherawhchu, India Constitution Article 268 hian heng Parliament-ah te emaw, Lok Sabha leh Rajya Sabha, Legislative Assembly-ah te seat scheduled tribe te leh backward classes te tan a khawih bik angte leh India Constitution a 7 scheduled chungchang thu te chu Parliament-in pass ringawt mahse State a zat ve aia tamin an lo nemngheh a, remtihna an pek loh chuan nunna a nei lovang a, India President pawhin a pawm thei lovang tih anih avangin vawinah hian hei hi kan ngaihtuah a lo tul ta a. Tah hian Pu Speaker, i hnenah lawmthu pawh han sawi a tulin ka hria a, a hun tak a he House-ah hun chep tak ni mahsela ngaihtuah thei tura in lo chhawpchuak hi kan Parliamentary Affairs Minister nen lawmthu ka han hrilh duh nghe nghe che u a.

Tichuan, hei Mizoram te pawh he constitution provision avang hian seat 40 kan neih ah hian General Seat chu Lunglei South leh Lokicherra dhauh hi ani a. Adang 38 te hi chu Scheduled Tribe ta a reserved a ni a. Tin, kan M.F. Seat te pawh hi Lok Sabha a kan seat leh Rajya Sabha a kan seat neih tune member zahawm tak kan neih lai ten a an zuk luah te pawh hi hemi provision vanga non-scheduled tribe te tana din ve theih loh tur a reserved a ni a. Chuvang chuan, vawin a kan thu ngaihtuah a hi keini hnam tenau Mizoram te tan chuan kan nunna lungphum leh kan himna lungpui tak tak, Zoram pawh hian kan hriatchian deuh bik a ngai a. Tin, a tuan tha pawl a hetia kan tan hi kan tih tur dik tak ani a. State dangte ngaichang lem lova ti hmasa a kan tan pawh hi e mawihnai hle a.

India Constitution hi kan en chuan hnam tenau te tana humhimna kawng chi hrang hrangin hemi rorelna chungchang thu cheuh ni lo hian hnathawhna chungchang thuah te, zirna chungchang thuah te, zinna chungchang thuah te, tam tak min pe e. Hei hi nichin a mover, minister zahawm takin a asawi tawh ang khan ramdang constitution atangte a thlir chuan hnam teneute tan a India Constitution a belhfak awm bikna leh a ngainatawm bikna lai ani reng a. Amaherawhchu, hun kalchho zelah hian ramim hma a sawn chho zel a, State puitlingah kang hnam tenau tam takte pawh kha kan lo kai chho thei ta a, a tir lam a India Constitution 6th scheduled provision atanga Autonomous Dist. Council

emaw, Local-self Government ang zawng a kal thinte tan pawh tunah hi chuan full fledged State-ah dah chhoh te kan lo ni a. Hetianga hmasawna alo thanchhoh zelah hian tunhma a India ram hmun hrang hranga hnam lian zawkte in a hetiang duhsak bikna kan neih tul ni a an hriatna hi ngaihtuahna tam takah chuan a bo thla telh telh a. State lian thenkhat atang chuan special category state kan han nih a Planning Commission in a pawisa min pek dan system-ah emaw entirnan Indian Constitution 272 na ah te special deuh hlek a kan grant hmuhdan tepawh hi sawisel a rawn hlawh tan ta a. Chu chauh mai ni lovin Parliament-ah te leh State Assembly ah te hetiang reservation kan han nei tepawh hi sawisel a hlawh tan ta ani.

Chutih lai chuan keini a beneficiary te hian in heng thil hi phur tak leh rang takin ti lo ta ang ila chuan India ram State a chanve 50% a pass tur ang a thil kal a hi a hunah tih loh palh anih chuan a tuartu tur a hi keimahni kan ni leh zual dawn a. Chuvang, chuan, hetiang rang fahran leh phur tak a kan ti chho hi mite tan a moral booster anih ka ring a. Tin, kan tlangram tribal leh tlang mite bakah hian hei India ram hmun hrang hrang a mite bakah hian India ram hmun hrang hranga **Adivasis** te leh hnam hnufual hoten an mamawh em em a, chuvang chuan vawiin a kan resolution hi lungruah tak a ruling emaw, treasury emaw, opposition bench emaw pawh awm chuang lova 'aw' khat kan neihna tur chi ani hrim hrim a. Chuvang chuan, a sawi hmasa ber a han tan pawh kha thil tul niin ka hria a. Tin

Tin, hemi rual hian tuna kan parliament member-te leh kan India Sorkar dinglaite pawh an hnenah lawmthusawi kan ba hle in ka ngai a. Lo duhlo ta tlát ang se chyan kum 50 chhung atan tih a ni a, engnge in changkang tawh thawkhat a lawm hetiang anga abik a ngaihtuahna hi a tul tawh love ti te ang se chuan keini ang tan chuan kawng tam tak a kan awlsamna hi kan hleuh dawn a. Mahse, uluk taka ngaihtuahin heng India ram a hnam hnufual scheduled caste, scheduled tribe, anglo Indian te dinhmun kum 50 chhunga kan hmasawna chi hrang hrang zirna lamah te, hnathawhna lamah te rorelna lamah te, zinna lamah te kan la mamawh niin an hre ta a, tichuan engmah in enhranna awm lovin min thlir a, chutiengin Parliament lam atang zawkin dan chu kum 10 atan a pawtsei turin AD 2000 Feb. 25, thlenga nungchho leh tur a an rel, khuti laiah an lo passed hmasa pawh hi a lawmawm hle e. Tichuan, vawiineh pawh hian keini lam opposition tepawh in he kan Minister zahawm tak Parliamentary Affairs in a Official Resolution a rawn putluh a hi kan support a, chu chu vawiineh hian ka rawn sawilang ani, lungruah tak a pass kan duh tih pawh ka rawn sawilang bawh ani. Pu Speaker, ka lawm e.

(*Speech not corrected)

PU TAWNLUIA
MINISTER

: Pu Speaker, ka lawm e. Hei, vewiin kum 1999 Dec. 29 ah Mizoram tana thil pawimawh tak mai, India ram pum a hnam hnufualte tan a thil tul kan mamawh em em mai kan House zah-awm takah hetiang a sawihona hun kan hmang thei hi lawmawm ka ti a. Tin, kan ngaihthlak tak ang khan kan Session hnu-hnung a kan thutdan te en in vawiin ni a kan thutdan te hi a danglam e. Kan rilru leh thinlung takzet zetin vawiin niah hian kan hun hluite, kan hnunglam kan hawikir lo thei lova, kan lung a leng em em a. Tichuan, leh lamah Session hetiang a awm hian House a inhnial er er te, inkah hrep mai te hi a awl em em a, mahse hetiang kan thut a lo tul tak hnu si a kan Session hmasaberah kan zavai a lungruah tak a kan sawiho theih leh kan pass theih thil pawimawh si, kan ram leh hnam tan a thil pawimawh em em hetiang resolution putluh theih a a lo awm hi lawmawm ka ti a. Vawiin ni a kan ngaihthlak tak ang khan leh lamah kan thutdan te dang ta deuh mahse lungruah taka he ngeihtuahna hmang tlang thei kan nihna-ah hien lawmawm ka ti em em ani.

India Constitution te hi keini engrual tan chuan hriatthiam te a har e, hriatsen pawh ani lova. Hetiang hian kum 10 dan zel a Parliament a pawhsei anih pawh hi a dik tak chuan ka hriatna a la rei lova, ka han inpuang teh ang. Amaherawhchu, India ramah hian roreltu puitling tak tak hruiatu pui tling tak tak an awm thin a. Tun tum a scheduled caste leh scheduled tribe te tana reservation constitution a provision lo awm amendment lo tul ta pawh hi dik tak chuan kei ka hriatna ala rei lo ani. Chu chuan India ram roreltu te pawhin India ramah hian mi chihrang hrang hnam chi hrang hrang a bik a enkawl ngai zual kan la awm ani tih an hre reng a, chumi ang chuan Parliament ah pawh October thla-ah khan he reservation chungcheng a dan pawhsei ngai te pawh chu pawhsei alo ni a.

Tin, an uluk hle a, dan dang a ang lova, India ram State zawng zawng a achave in Parliament ah an passed hnueh pawh ratify pawmpui alo ngai leh nghal a. Tin, chutiang a kal hnueh chuan dan nghet tak tumah challenge ngam loh a ding dawn tihna te pawh alo ni a. Chuvangin, vawiin niah keini scheduled tribe leh scheduled caste ten India ram rorelna ah te leh Sorkar hna leh thil pawimawh hrang hrang a neinung zawk leh changkang tawh zawk te compete a chung nen a in-el a, an rual a ke pen ve thei kan nih lohna avanga hetiang hnam hnufual zawkte tana seat reservation a awm hi thil tihawm tek leh thil pawimawh tak a ni a. Tunah hian duh dan tak phei chuan Milleneum thar alo thleng dawn a, Parliament hian kum 50 dang atan lo extend tawp mai se a inhmeh awm mang e, tiin ka rilruah ka duhthu ka lo sam a. Amaherawhchu, vawineh kum 10 atan extend ani tih kan hria e, chu chu pawm tur pawhin kan in relring a. Keini Member zah-awm tak tak te pawhin Zoram mipuite pawhin mawh kan nei in ka hria e. Hnam hnufual ang a a bika enkawl ngai tawh fo lo tur a tun kum 10 chung a chutiang ang a kan tan a, duhsakna lo far a chu hmang tangkei turin tan kan lak a pawimawh hle ani. Tin, heng hi chu India ram roreltute leh State a hruiatu duh-awm tek tak lo kal zel tur a te pawhin kan hnam tan a tha turin a tul chuan the pawh an thawh ang tih ring mahila, vawiin ah hian he special provision a bik a duhsakna chanvo emaw, siamsak ngai tawh bik lova Mizoram intodelh, tih hmasawm

erawh chu kan zavai a mawh ani in kabrihria a, chu thu chu ka han sawilang duh zawk ani.

Tichuan, vawiin ni a kan Parliamentary Affairs Minister in he resolution a rawn putluh a hi lungrual tak a pass tlek leh pass tur: niin ka hria a, chumi atan chuan the ka tih thu leh pass ngei nise ka duh thu ka han tarlang ve ani e. Ka lawm e.

(*Speech not corrected) .

PU SANGHMINGTHANGA H.PAUTU : Pu Speaker, ka lawm e. Hei, kan hriat theuh angin Dr Ambedkar hi nichina Opposition Leader-ina a rawn sawi ang khan a mawhphurtu a ni a. Ambedkar hi keini ang hnam hnufualte ten chuan malsawma a tling tak takin ka hria. Ani hi thiamna lamah pawh mi turu tak mai ani a, Law chungchangah te, economic chungchangah te, commerce ah te leh thildangah te a hunlaiah na na chuan chung chuang tak ani Constituent Assembly Member-ho pawh khan ama nun kal chhovah (a tet lai nun kal chhovah) harsatna in a thuai hneh bawk a khang ka han sawi duh hmasakna chhan a chu Philosopher-ho reng reng leh mi ropui ho hi an tetlaia an nun kalchho hian an lo puitlin a, an nun kalchho hi a su thle em em vang ani.

Ani pawh hi a harsatna, a nun kalchho-ah hnam hnufual anihna angin a tuar nasa khawp a, khalam kha chu kan sawi thuilo mai ang a. Chutiang avang chuan helai a Constituent Assembly-a a han let chho a pawh hi hma a la na reng a, chumi avang chuan heng hnam hnufual te phei hi chu abikin a tanna hle ani. Pu Gandhi nen pawh khan thawkkhat phei chu an inhmu thiamlo hle a. Amaherawhchu, ani hi a dinna-ah a khewng tlat a; Pu Gandhi pawh khan a pawmlo thei ta biklo ani a.

Chuti chuan hemi hnam hnufual te tana tih tura kan khel mek a hi, tun a keini heta member hote Pathian malsawma a hemi hamthatna han pawhsei theihna a kan han tel thei hi vanneihthlek hle in ka hre bawk a. Chutah chuan hei tuna kum 50, tun a pass hnu a kum 60 a hlanchhoh tur ani. State dangte pawhin an pass chuan kum 10 zel a extend ni in constitutional amendment 62-na kum 1989 ah khan kum 50 tana pawhsei chhoh a ni a, a hma chuan kum 40 tih ani a. Tichuan, chu chu January 1, 1990 ah khan hman tan ani chho a, tichuan 40 atanga 50 ti a amendment kha siam ani. Chu chu kum 10 zel dan alo nih khan keini tuna dinglasi mek te tan leh kan tu kan fa tun a degree la mek te tan hian a pawimawh lehzuat dawn a. Tichuan, hemi hi kan Mizoram zimte a hnathawh tum mai lovin, kan nula kan tlangvalte pawh hian India ram hmun zau zawkah scheduled caste leh scheduled tribe te tan a seat reservation tam em em awm, Central-ah te pawh a awm ani a, chung engah chuan vakchhuak a, hmun hran hran a inzar darh hi kan tum tur niin ka ring a; hei hi thalaite pawh kan fuh tur ani. Tichuan, chungang seat reserved ah te chuan Tribal dang hmundang a mite an la hniam avangin an tlin phe love, keini mizo nula leh tlangval te chuan an tlin em em si a, hetiang ang atan pawh hian heng hi a pawimawh em em dawn ani.

Chumi avang chuan kan Minister zehawm tak Parliamentary Affairs changtu ina a rawn putluh Resolution a hi tuna India Parliament House hnih te ina an passed tawh a hi keini scheduled caste leh scheduled tribe bakah Anglo Indian te hnam hnufual bik te hengho kan hamthatna tur a parliament seat leh assembly seat bakah thil chi hrang hrangah a rawn in kaihnawih ani a. (sawi tak ang khan) Chumi avang chuan kan sawi tak leh kan ngeihthlak tak ang khan lungrual taka pass ngei anih ka beisei a, tin chutiang taka pass turin member zawng zawngte kan sawmin kan han ngen duh bawk a ni e. Ka lawm e.

PU R.LALZIRLIANA

: Pu Speaker, vawiin hun lawmawm tak kan nei a hi a ropui ka ti a, Pu Speaker hun min pek avangin lawmthu ka han hrilh bawk che

ani. Kan hotu khan a sawi tawh a, kan thutdan han danglam vel hi a lehlemah chuan sanghara lunglawm Arpai lungchhia tih ang deuh khan keini ten chuan a thlamuan thlak ang reng a. Helamah kan awm ta dul mai a, kan thlamuang viaw a ni. A lehlemah chuan a khawharthlak a, a ngaihawm a, han tih pawh kha a dik ang a, chutiang anih chuan 'in suiikhawm leh zai i rel ang u' tih hla kha kan sa thin a, kha lam te pawh kha la hawi theih tho kha a ni a. La lunglen hun vak pawh niin a lang lova, hetiang thutdan han en hian a awm tak hi a in remsa deuh thlup mai a, chuvang chuan engemawni kartle awm manglo hian tikhath mai ula, han hawivel pawh hian a awm tak hi in thu nghal deuh thup in ke hria e.

Wawiin niah Pu Speaker, India Constitution Article 334-na hetiang ang a han siam danglam leh amend alo ngei te hi a lehlem a ka ngeihtuah chuan keini Mizo hnam bikah hian han in chhuilut te ila, a tlewm thlak lek lekin ka hria a. Fathien hnam thlan, PPathien siam kan ni a. Ringlo mite aia engvanginnge maw kum, 50 kal ta, kum 50 thleng hian India Independence huneh hian hetiang ang a hung bik kan la ngaih zel mai le, tih te pawh hi Home Minister zehawm takin a sawi ang deuh khan ngeihtuah theih niin ka hria a. Chuvangin, tan kan lak fe a ngai dawn in ka hria. Amah-erawhchu, keini chauh hi scheduled caste/scheduled tribe te leh khatiing ang a kan Article 334 -na ina a zu huap a te kan nih loh avangin kan tih chu angai ani mai a

Wawiin niah erawh hi chuan he Constitution Amendment 334-na a lo ngaih takna a hi kan kulhpui kan himna ani rih a. Chutiang anih loh chuan engemaw vang hlekin chimrel kan hlau a, kan aupui ber ani a. Ka hma a miten an sawi tak ang khan hnam ralna bul a la ni thei ani. Chuvang chuan helaiah keini tan chuan Mizo mipuite tan hian Article 334-na amendment vawi 84-na alo ngai te hi India Sorakar laipuite pawhin an lo tichhuak leh hi House pahni Parliament-ah passed alo ni leh ta hi lawmawm kan ti a, kan tan chuan sawihnawm tur a awm lova,

kan pawmpui thlap ani tih hi ka han sewi ve duh a ni a. Vawiin niah hian tumah inkalh zawnga awm kan awmin ka ring love, kan himna kan kulhpui ani tih kha ka han sawinawn ve leh duh ani. Hei hi lungruel tak a kan pass a pewimawh in ka hria a, nidanga helai a resolution dang kan ngaihtuah te anglo takin Mizo hnam mai pawh ni lo India ram chhunge hnam chekhawkho, a hnufualte himna atana lungruel taka keini pawhin a Parliament In hnih in a alo passed sa hi kan pawmpui ve the in ka hria, ka lawm e.

(*Speech not corrected)

PU ZORAMTHANGA
CHIEF MINISTER

: Pu Speaker, vawiin a Official Resolution kan neih a hi ngaihtlak tak ang khan thil lungchhiatthlak zawng a zuk ngaihtuah chuan a lungchhiatthlak ang a ngaih theih lek lek te pawh ani thei ang a. Amherawhchu, a lawmawm zawngin ngai ila, a lawmawm lamah a kal bawkin ka hria.

Hei, India ramah hian a hnam changkanna emaw chu thenkhat nisele, Democracy tuna kan kal-phungah hi chuan a ban tam leh a vote tam, kha kha khawvel-ah Democracy ah chuan a pawimawhna leh a lalna ani si a. Chumi a kan inthlanna a han thlir chuan kan aiawh kan thlanohhuahna turah te hisap nei in Mizoram te ang pheih chu maktaduai khat pawh kan tling love, a nuai, maktaduai chanve tha awrh nuainga chung chho vel ah emaw kan han chho ani chauh mai a. Chutihlai chuan India ramah State dangte chu a State pumpui chu sawi loh an khawpui pakhat pawh sawi loh an khawpui pakhat kawthler a zawngin sawi ila, chuta mihring zeh emaw chauh kan ni a. Khang kha representation aiawh democracy ang a kan ti dawn anih chuan kan langpha lo lutuk a. Chuvangin, hnam tlen zawkte, chung aiawhte siam remdan chu a tam zawk zawk apang te ina in chimral lohna turin constitution buatsaitute in min lo ngaihtuah sek a.

Tin, chu mai bakah a hnam mai ni lovin, a number mai ni lovin, a mihring mizia a hnufual zualte, hei scheduled tribe, thenkhat scheduled caste, chungte number ah leh an thiamna leh hausakna economy ah te hnufual zual bik te chungte chu chimral an nih lohna tur leh khairual zawka engkim a kal theihna turin constitution siamtu ten Dr. Ambedkar a champion-na hnuaiah ti bik nghe nghe ila, kan sawi-sual awm love an lo siam ta a. Chumi ang chuan nominate seat pahnih angho Indian Community ah te pheih chuan Lok Sabha ah an ni chu Nominate seat ngat mai, a thlan a thlan pawh nilo neih theihna hial te pawh Article 331 na ah khan an lo pe hial ani a. Tin, anni chu State hlawmbika awm an nilo bawka, keani ang State-te maktaduai hnuaiah lampangho tan chuan reservation hi election thal-ah kan mamawh hle a. Chumi ang nilo sela kan ram pumpui pawh hian bial tamtak a Lok Sabha voter an neih zat pawh, a then chu a chanve awrh emaw chauh kan ni mai a, chuvangin a bik a min venhimna turin he constitution-in an lo siam ani a. A lawmawm tak tak a.

Part 16-na Article 330 hnuai ah
khan hemi ho tan a a bikin MLA-ah te MP ah te seat reservation
minrawn siemsek kha a lawmawm tak tak a. A tirah chuan Kum 40
chhung emaw an han ti phawt a, amaherawhchu, kum 40 a lo ral
khan 1990 a lo ni dawn a, a lo liam dawn ta si a, venhimzel
kan la ngaih avangin 1990 a lo nih dawn tep ah 1980 ah khan
amendment kum 10 dang atan an han siam leh a. Tichuan kum 10
dang kha a lo ral leh dawn ta a. Kum 2000 kan lo thleng dawn a
hei, chumi hma chiah chuan 1999 ah hian kum 10 dang atan pawh
sei sak nise tiin kan Parliament House hnih-te pawhin an lo
passed ta a. Chu chu State a chanve zetin emaw a pass pui
remtih pui a ngaih avangin, khaile State dang tan in ngaihdan
lo siam ula, in pass pui thei em ? minrawn ti chu ani a. Chu
chu a lawmawm tak tak a. Constitution Article 368-na ah khan
hetiang schedule amite leh thil chi hrang hrang, 'not less
than one half of the State' a chanve ai tlemlo in a Parliament
rorelna hi an approve pui a ngai a ni tih a lo nih bawk avangin
chumi ah chuan tunah hian kum 10 dang i pawtsei leh ang min lo
tihsak ani a. A lawmawm tak tak a.

Keini Mizoram chauh nilo India
Hmarchhak amite chu kan ni deuh vek mai a. Tin, India ram
hmun hrang hrang a mite'n hei hi kan tan thil lawmawm a ni a.
Lehlamah chuan hetiang a bik a ngaihtuah kan tul fo-na hi a
zahthlak zawng a zu ngaihtuah chuan a zahthlak in a hrehawm
ang reng hle a. Mahsela, hemi lamah chuan kan hriattur a cha,
changkan leh changkan loh tehkhawng, chu chu pakhat-in ni ta
sela, number ah ani miau mai a, number ah chuan kan phalo
hle mai a. India ram State lian te chu khawvel ram mihring
tamna a tam hlawm a pawh han dahkhawm ila, U.P. State te chu
khawvel a ram lian hlawmkhawm zinga tel pha ani tlat mai a.
State ringawt pawh kha. Chuvangin, keini an khawpui kawtthler
mipui, zah tawk tawk vel nen kha chuan ang khata ben tam ti mai
ila, Democracy hen keln a chuan hen khing pharual kan nih
loh avangin, special consideration a bika ngaihtuah hi kan phu
ve reng a ni.

Tin, chuti lai chuan kawng chi
hrang hrang pawh hei India rama an State Union Minister ho
hnen a Mizoram tan bik a thil kan han nawrna ah pawh hian R.D.
hnuai pawisa sanction chungchang thu ah India ramah population
basis in kal ni tawh sela tih an han rel deuh pawhin State
tenau chuan E ni love, hetia a nih ngawt chuan a fel love India
Hmarchhaka R.D. Minister ho pawh kan vai a tangrualin Central
lamahte pawh an zu nawr a. Keini pawhin kan sawipuina ah, hei
State te ni mahila, a tet a, a size ang ngawt ani love, mi hi
palian pui pui an awm a, pate deuh an awm a, palian pui
a mamawh ang kha pate in a mamawh vek a, a size a te mai ani
a, a ni chu a pate deuh a a kawr thintur hian ban nei lo mai
se, a ipte neilo sela, tih theih ani love, a ipte ani emaw
a ban ani emaw palian in a a mamawh ang kha pate in a mamawh
kim ve biai a, a size erawh chu a te ani mai a. Chutiang chiah
chuan State hian kan mamawh engkim infrastructure te a tul kim
ve bi ai avangin, heng hi special consideration nena min ngaihtuah
a tul a ni kan tih thin ani a. An ni pawhin a dik khawp
mai tiin Political ah leh Economic ah leh kawng chi hrang hrang
ah min ngaihtuah a, min consider sak thin a, a lawmawm em em a,
hei hi India ram pawh a thanna tak ani a.

Chuvangin vawiin-ah pawh chung-
te chu tipuitlingin 1999 kumtawp dawneh Business dang neih
pawh rem em em lovin Office pawh mumal tak a function theihlich
lai period, christmas leh Kumther inkar chu ani a. Hemi karah
hian hei chuah kan lo pawmpuina leh kan lawmna thu nen a kan
resolution kan pass tlan hi a ni, State dangte pawhin a then
chuan an lo ti ve hial tawh nghe nghe a. Khangte nen a kan
tih tlan ho theihnan Pass ila tiin, hei kan Parliamentary
Affairs Minister-in he Official Resolution hi a lo pulut ani
a. Tichuan, kan Opposition Bench lama Group hrang hrangte
pawhin hei hi ani tak e, lungrual takin i pass tlang ang u,
an rawn tih ang khan vawiin-ah hian hei hi keimahni leh kan
Scheduled Caste leh Scheduled Tribe, Anglo-Indian Unauite tan
pawh thil lawmawm tak a nih avangin hei hi kan zavai a lung-
rua tak a pass turin keipawhin vawiin-ah hian kan sawmin,
ka han ngen duh a ni e. Ka lawm e.

(* Speech not corrected)

S P E A K E R : Awle, kan lungrual thawkhatin
a leng bawk a. Kan tana mamawh
theuh ani. Duhtawk dawn mai
ila. Awle Pu Nirupam Chakma
han sawi ve leh rawh se.

PU NIRUPAM CHAKMA : Pu Speaker, ka lawm e, Hon'ble
Members has already spoken
about the necessity of ratifi-
cation of Article 334 for
Extension of Reservation of seat in Parliament and State
Assemblies.

I would like to point out for
the information of the House that the number of seat reserved
in Parliament and the State Assemblies. I have a book on the
tribes of India, Mr Speaker Sir, there are total number of
seat in the Parliament is 543 out of which scheduled caste
reservation is 79 and scheduled tribe 46. In the State
Assemblies altogether in the State and Union Territories 4037
seats are there in the Assembly out of which 556 are reserved
for Scheduled Caste and 529 for Scheduled Tribe. I am presen-
ting for the information of the House. Thank you sir.

S P E A K E R : Awle, Resolution puluttu,
Parliamentary Affairs Minister
Pu Malsawma kha wind up a pass
dil turin i lo sawm ang u.

PU F. MALSAWMA
MINISTER

: Pu Speaker, Member zahawmtak tak te a tanga he Resolution tha kan tih leh pawimawhna thiam tak tak a kan ngaihthlak tak kha a lawmawm hle in ka hria a.

Hei kan information a tan kum 10 dan zelah Pass chhoh a nih dan a kha, 1959 ah khan a vawikhotna a tan pawhseina dan a kha passed ani a. 1970 ah khan Passed leh ani a. 1980 ah passed leh ani a. 1989 ah passed ani leh a, tunah 1999 ah hian a Bill-ah kha chuan 84-na ani na in a Act a nih hnu ah chuan 79 na ani dawn a ni.

Tichuan, memberten thu tek tak leh kan hriatna tizau theitur thu the tak tak an sawi tawh a, sawinawn ngai lovin. Pu Speaker, keini tan chuan hei hi thil lawmawm tak he Millenium thar thlen hma a kan Pass hnuhnung her tur atan a thil tangkai tak tur a niin ka hria a. He Official Resolution 'that this House ratifies the amendment to the Constitution of India falling within the purview of Clause (d) of the proviso to clause (2) of Article 368 proposed to be made by the Constitution (84th Amendment) Bill 1999 as Passed by the two Houses of the Parliament' tih hi House in min pass pui turin ka rawn ngen ani e. Ka lawm e.

(* Speech not corrected)

S P E A K E R

: Official Resolution tun a Parliamentary Affair Minister-in a a rawn moved pass a raw dil tak kha, 'that this House ratifies the amendment to the Constitution of India falling within the purview of Clause (d) of the proviso to Clause (2) of Article 368 proposed to be made by the Constitution (84th amendment) Bill 1999 as passed by the two Houses of the Parliament' tih Pass remti apiangin 'Remti' ti rawh ule (Memberte : Remti) Pass remti lovin 'Remti lo' ti rawh ule. (An awm lo).

He Resolution hi lungrual takin House in a passed a ni.

The sitting was adjourned
Sine die at 11:27 A.M.

H.L. CHUNGA
Secretary